



Ўзбекистон Республикаси Президентининг Фармони

«Жаҳон миллатлар ҳамжамиятига аъзо бўлганлик муносабати билан амнистия тўғрисида»

Ўзбекистон Республикаси Бирлашган Миллатлар Ташкилотига аъзо бўлганлиги, Европада ҳавфсизлик ва ҳамкорликка бағишланган Хельсинки кенгашининг якуловчи ҳужжатларини тасдиқлаганлиги ҳамда инсон ҳуқуқларига риоя этиш юзасидан халқаро-ҳуқуқий мажбуриятларни ўз зиммасига олганлиги муносабати билан жамият учун унча хавфли бўлмаган айрим ҳуқуқбузарликларни содир этган шахсларга нисбатан раҳм-шафқат ва инсонпарварлик кўрсатиб, қарор қиламан:

1. Қуйидаги маҳкумлар озодликдан маҳрум этишдан иборат жазодан, шунингдек, озодликдан маҳрум этиш билан боғлиқ бўлмаган жазодан озод қилинсин:

а) Улуғ Ватан урушининг қатнашчилари ва уларга тенглаштирилган шахслар;

б) оғир бўлмаган жиноятлар учун 3 йил муддатгача биринчи марта озодликдан маҳрум этишга ҳукм қилинган балоғат ёшига етмаганлар, шунингдек, озодликдан маҳрум этиш билан боғлиқ бўлмаган жазога ҳукм қилинган балоғат ёшига етмаганлар;

в) эҳтиётсизлик оқибатида жиноят содир этган маҳкумлар (жиноят кодекси 208-моддасининг II ва III қисмлари бундан мустасно);

г) меҳнатга мажбурий жалб қилиш билан шартли равишда озодликдан маҳрум этишга ҳукм қилинганлар, шунингдек, шартли равишда озод қилинганлар;

д) биринчи марта оғир бўлмаган жиноятни қасддан содир этган, суд жазони манзилгоҳ-колонияларда ўташни тайинлаган, белгиланган жазо муддатининг камида ярмини ўтаб бўлган маҳкумлар;

е) эҳтиётсизлиги оқибатида содир этган жиноятлари ва қасддан содир этган оғир бўлмаган жиноятлари учун биринчи марта интизомий батальонга юборишга ҳукм қилинган, белгиланган жазо муддатининг камида учдан бир қисmini ўтаб қўйган, шунингдек, ҳарбий хизматдан бўйин товланганлиги учун ҳукм қилинган ҳарбий хизматчилар;

ж) балоғат ёшига етмаган болаларга эга бўлган аёллар, (ҳомилдорлар); 60 ёшдан ошган маҳкумлар; I ва II гуруҳ ногиронлари; (ўта хавфли давлат жиноятларини ҳамда ушбу Фармоннинг 6-моддасида кўрсатиб ўтилган жиноятларни содир этганлик учун ҳукм қилинганлар ва жиноий жавобгарликка тортилганлар бундан мустаснодир).

2. Оғир бўлмаган жиноятларни қасддан содир этганлиги учун ҳукм қилинган, жазо муддатининг қолган қисми олти ойдан камроқни ташкил этадиган шахслар озодликдан маҳрум этиш жойларидан бўшатилсин.

3. Биринчи марта ҳукм қилинган қуйидаги шахсларнинг жазони ўташда қолган муддатининг ярми қисқартирилсин:

а) оғир бўлмаган жиноятларни қасддан содир қилган балоғат ёшига етмаганлар;

б) йўл ҳаракати хавфсизлиги қоидаларини бузганлик учун (жиноят кодекси 208-моддасининг II қисми).

4. Қасддан қилинган жиноятлар учун, шунингдек, оғир бўлмаган жиноятлар учун ҳукм қилинганларнинг жазони ўташда қолган муддатининг учдан бир қисми қисқартирилсин.

5. Қуйидаги тергов ишлари ва судлар кўриб чиқмаган ишларнинг ҳаммаси тўхтатилсин:

а) Фармон 1-моддасининг «А», «Б», «Ж» бандларида кўрсатиб ўтилган шахслар мазкур Фармон кучга киргунга қадар содир этилган жиноятлар тўғрисидаги;

б) ҳарбий хизматдан бўйин товланган шахсларга нисбатан.

6. Амнистия Фармоннинг 1, 3, 4, 5-моддаларида санаб ўтилган қуйидаги шахсларга нисбатан қўлланилмайди:

а) ўта хавфли давлат жиноятлари содир этганлик, шунингдек, миллий ва ирқий тенг ҳуқуқлилини бузганлик;

б) давлат сирини ошкор этганлик;

бандитизм;

ахлоқ тузатиш-меҳнат муассасалари ишини издан чиқарувчи ҳатти-ҳаракатлар қилганлик;

контрабанда;

оммавий тартибсизликлар;

сохта пул ва қимматбаҳо қоғозлар тайёрлаганлик ёки сотганлик учун жазога ҳукм қилинганлар ва жиноий жавобгарликка тортилганлар;

б) ўта хавфли ашаддий жиноятчилар деб топилганлар;

в) қасддан одам ўлдирганлик;

қасддан оғир тан жароҳати етказганлик;

милиция ходими ёки халқ дружиначисининг ҳаётига тажовуз қилганлик;

номусга текканлик;

товламачилик қилганлик (рәкет);

фирибгарлик;

алоҳида катта миқдордаги давлат ёки жамоат мулкни талон-торож қилганлик;

алоҳида белгилари бўлган ҳолатда давлат, жамоат ёки

шахсий мулкни ўғирлаганлик;

талончилик;

босқинчилик;

жиноятни оғирлаштирадиган ҳолатларда пора олганлик, пора берганлик ёки порахўрликда воситачилик қилганлик;

ашаддий, ўта ашаддий безорилик, шунингдек, республика Жиноят кодекси 100-моддасининг 2-қисмида 101, 111, 1022, 2092, 2093, 2101, 2162, 2163, 2164, 2165 ва 2166-моддаларида кўзда тутилган жиноятлар учун ҳукм қилинганлар ва жиноий жавобгарликка тортилганлар;

г) қасддан қилинган жиноятлар учун бир неча марта озодликдан маҳрум этишга ҳукм қилинганлар, шунингдек, Фармон ушбу моддасининг «А» ва «В» бандларида кўрсатиб ўтилган жиноятлар учун илгари озодликдан маҳрум этишга ҳукм қилинганлар;

д) авф ёки амнистия тартибиде илгари жазодан озод қилинган ва яна қасддан жиноят содир этганлар;

е) ичкиликбозлик, гиёҳвандлик ёки таносил касалликларидан тўлиқ даволанмаганлар;

ж) жазони ўташ вақтида тартибни қасддан бузувчилар.

7. Мазкур Фармон эълон қилинган кундан бошлаб кучга кириди, Ўзбекистон Республикасининг судлари ва унинг ҳудудида жойлашган ҳарбий трибуналлар ҳукм қилган, шунингдек, республиканинг тергов органлари жиноий жавобгарликка тортган шахсларга на жорий қилинади ва олти ой давомида ижро этилиши лозим.

8. Ўзбекистон Республикаси Ички ишлар вазирлиги ва Соғлиқни сақлаш вазирлиги бошқа манфаатдор идоралар билан биргаликда жазодан озод қилинган ҳамда диспансер рўйхатидаги I ва II гуруҳ сил касалига чалинганларни белгиланган тартибда ҳисобга олишни ва махсус даволаш муассасаларига юборишни ташкил этсинлар.

9. Адлия вазирлиги ва ички ишлар вазирлиги Ўзбекистон Республикаси прокуратураси ҳамда Олий суди билан биргаликда уч кун муддат ичида ушбу Фармонни қўлланиш тартиби тўғрисидаги Низомни ишлаб чиқсинлар ва уни тасдиқлаш учун тақдим этсинлар.

Ўзбекистон Республикаси
Президенти

И. КАРИМОВ.

Тошкент шаҳри,
1992 йил, 6 апрель.

РЕСПУБЛИКА «ҚЎРИҚЛАШ» БИРЛАШМАСИДА

Салор қўрғонига яшовчи Олимжон Б. эдиғина йигирма тўрт баҳорни қаршилаган бўлсада, асаби бироз бузилган. Врачларга борай деса, аччиқ дори ичиришди, укол ҳам қилишлари мумкин. Кунларнинг бирида қаердадир у шундай сатрларни ўқиб қолди: «Шакарнинг ҳосияти катта. Унинг ҳаммаси сахарозадан иборат қимматли озиқ-овқат маҳсулоти. Одам бир кунда 100 грамм қанд истеъмол қилиши керак. У организмда осон ўзлаштирилади, одамнинг ишчанлигини оширади, чарчоқни йўқотади, асабни мустақкамлайди...»

Оқибатини ўйладими ёки йўқ, у бира-гўла анча миқдорда организмга керакли маҳсулот эгаси бўлгиси келди. Яқинда куни Олимжон Қибрайдаги яхна ичимликлар ишлаб чиқариш корхонасига қарашли 4-омборхонадан 17 қоп шакар ўғрилади. Аммо Қибрай тумани ИИБ қошидаги қўриқлаш бўлими қоровуллари К. Мусаев, Р. Мусаев, А. Цимбал ва Ч. Умашевлар «бемор»ни ушлаб олдилар. Давлатга 5 минг 719 сўмлик қимматли маҳсулот қайтарилди.

Аввал судланган, йигирма беш ёшли Ж. О. Фарғона шаҳридаги «Автодормехбаза» деган ташкилотда фаррош бўлиб ишларди. Ҳамшаҳарларини музқаймоқ билан хурсанд қилмоқчи бўлгани, «Прогресс» кичик корхонасидан 24 минг сўмлик музқаймоқ тайёрлайдиган икки аппарати кечаси ўмарди. Бироқ узоқда олиб кета олмади, Фарғона шаҳар ИИБ қошидаги қўриқлаш бўлими ходимлари милиция сержанти А. Ашуров, милиция кичик сержантлари Б. Тошболтаев ва И. Хўжамқуловларга дуч келди.

Ўғирланмаган ўзи шу музқаймоқ аппарати қолувди...

Яна шакар ҳақида гапиришимизга тўғри келади. Юқоридаги воқеада шакар одамнинг ишчанлигини оширади ва чарчоқни йўқотади, дедик. Андижон консерва ишлаб чиқариш заводи технологи Н. Х., автокарачи Р. С. ва ишчи А. Н. кейинги пайтларда бошқалардан кўп меҳнат қилишгандай сезишди ўзларини. Ҳаммадан кўп тер тўқнайдан кейин, ҳаммадан кўп чарчоқни йўқотишга муҳтож бўлади одам. Шунинг учун улар кечаси соат бирларда жонажон корхоналарининг шакарини ўмариш «операция»сини бошлаб юбордилар. Аввал «иш» мойдай кетди — 150 килограмм шакарни «Москвич-412» автомашинасига юкладилар. Аста моторни юргизиб, йўлга отландилар. Қўрилмаганда Андижон шаҳар ИИБ қошидаги қўриқлаш бўлимининг ходимлари милиция лейтенанти М. Маликов, милиция старшиналари М. Содиков ва М. Жўраев ҳамда милиция катта сержанти А. Хусановлар ушбу «операция»ни барбод этдилар.

Агарда сиз сотиб олган завод маҳсулоти ширин чиқса, айтиб ўтилган милиция ходимларига раҳмат, дейиш эсингиздан чиқмасин.

«— Болаларим табакани жуда яхши кўришади. Ошхонадан сотиб олай деса, қиммат. Шунинг учун уйда бир-иккита жўжа ўстирадиган бўлдим. Бечораларга фақат сув ва дон берибман, омухта ем қидиришга эриниб. Хуллас, жўжалардан эсдалик: болаларимнинг кўз ёши-ю, очликдан ўлиб кетган жониворларнинг сувдони қолди...»

Қарангки, дунёда эринмаган одамлар ҳам бор экан. Улардан бирига яқинда Косон тумани ИИБ қошидаги қўриқлаш бўлими бошлиғи милиция капитани М. Шералиев ҳаммасилари билан биргаликда дуч келишди.

Воқеа бундай бўлган. Ульянов туманида жойлашган 15-давлат хўжалигининг паррандачилик фабрикаси экспедитор-ҳайдовчиси Т. Р.нинг кўзига товۇқ ва хўрозлар жуда семириб кетган кўринган. Шунинг учун у ўз бошқарувида бўлган юк машинасини фабриканинг 4, 8 тонна паррандалар омухта еми билан тўлдириб, Косонга — уйига равона бўлган. Аммо эринмаган экспедиторнинг омади келмади, ўғрилган емин давлатга қайтаришга мажбур бўлди.

Дейлик, уйингизда пичоқ йўқолиб қолди. Гап унинг сопи олтидан бўлишида эмас. Сабзи, пиёз ва картошкани нимада арчийсиз? Гўштни нимада қирқасиз? Бунақада димламадан қуруқ қолиш мумкин. Уйда жуда бўлмаса, бир комплект пичоқ ушласангиз, оч қолмайсиз.

Янгирлик Сарвар Ж. 12-болалар боғчасига ўғрилишга тушди. Йўқ, у ўйинчоқларини олмади. 19 ёшли йигитлар ўйинчоқ ўйнашмайди. Уят бўлади. Уйда ҳамма пичоқлар йўқолганини ё... ким билади дейсиз, бизнинг қаҳрамон бир комплект пичоқ ва ҳар эҳтимолга қарши «Севан» қўл соатини қўйишга яшириб, уйига отланди. Аммо Янгир шаҳар ИИБ қошидаги қўриқлаш бўлими милиционери милиция кичик сержанти М. Худойназаров қўлига тушди.

Э. РАҲМАТОВ,
милиция майори.

КҮЧМА ТАҲРИРИЯТ ОЛМАЛИҚДА

КЕНГАШЛИ ТҮЙ-ТАРҚАМАС

Олмалиқ шаҳар ижроия қўмитасида ҳуқуқ-тартибот идоралари — суд, прокуратура, миллий хавфсизлик хизмати ва милиция вакиллари иштирокида маслаҳат кенгаши бўлиб ўтди. Бу тадбирда шаҳар Кенгашининг раиси Ю. Беланов, вилоят прокурори А. Маннонов, халқ суди раиси Я. Ҳайдаров, миллий хавфсизлик хизмати бошлиғи Р. Абдуллаев, шаҳар прокурори М. Симонянц, ИИБ бошлиғи М. Мирзаевлар ҳозир бўлдилар.

— Агар ўтган йилги эришган ютуқларимизни сарҳисоб қиладиган бўлсак, киши дили бирмунча равшан тортади, — дейди шаҳар ИИБ бошлиғи, милиция майори Мирзаев. — Шахсий таркибимизга уюшган ходимларимиз сони миқдорий жиҳатдан ўзгармаган бўлсада, кўрсаткичларимиз қувонарли бўлди. Аввалги йил билан таққослаганда, умумий жиноятлар ўтган йили 155 тага камайиб кетди. Уларнинг фош этилиши эса 5,6 фоизга кўпайди.

Давлат мулкни ўмариниш 60 та, безорилик 45 та, жамоат жойларида содир этилаётган қонунбузарликлар сони 18 тага озайиб кетди.

Тўғри, ютуқлар бор, аммо уларнинг соҳида қолиб кетаётган камчилик ва нуқсонлардан ҳам кўз юмиб бўлмайди. Тарбияга салбий таъсир кўрсатаётган шахслар — фоҳишалар, қиморбозлар, гиёҳвандлар ва қўшмачиларга қарши курашда амалий чоралар қўлланилмапти. Тўғриси айтганда, уларнинг мушуги пишт, дейилмапти. Сабаби нимада?

Ўтган 1991 йил ярмига яқун ясалган пайда ҳам ҳуқуқ-тартибот ҳимоячилари вакиллари шу ерда тўплашилган, ютуқларни ва камчиликларни сарҳисоб қилишганди. Ўшанда суд, прокуратура ва милиция ходимлари ўртасида қандайдир келишимовчиликлар борлиги, бу эса умумий мақсаднинг амалга оширишда, барча куч ва имкониятни қонунбузарликларнинг ҳар қандай кўринишини жилволашга йўналтиришга тўсик бўлаётганлиги қаттиқ қораланди. Жумладан, суд

вакиллари конвой милиционерлар айби билан суд жараёнлари ўз вақтида ўтказилмаётганлигидан, судга оширилаётган материаллар саводсизларча тайёрланганлиги туфайли чўзилиб кетаётганлигидан нолисалар, прокуратура ходимларининг фуқаролар арзнома ва шикоятларига тўраларча муносабатда бўлишлари, жиноят содир бўлган жойда эксперт-криминалист фақат суратга тушириш билан шуғулланиши танқид қилинганди. Милиция ходимлари ҳам маъмурий ишларни ҳал қилиш учун судда ишловчилар ортидан икки-уч кунлаб югуриб юришларидан, судмедэксперт хулосани ўз вақтида бермаслиги туфайли ариза ва шикоятларни кўриб чиқиш муддати узайиб кетишидан нолишди.

Биргина милиция фаолиятининг ўзида ҳам ишга солинмаган резервлар кўп. Мисол учун ИИБ қошидаги қўриқлаш бўлимида хизмат унчалик қониқарли эмас. Бу бўлимда қанча кўп одам ишласа ҳам, беш марта ўғирликка йўл қўйишган. ДАНБ фаолиятини ҳам зўр, деб бўлмайди. Автофалокат туфайли А. Медведев, А. Савельева, К. Малинин, А. Жукова исмли ҳамшаҳарларимиз ҳаётдан бевақт кўз юмишди, аммо бу ҳалокат тафсилотлари батамом ўрганилган эмас.

— Бугунги кунда содир этилган бирор жиноят очилмай қолдими, бу катта йўқотиш деб билаверинг, — деди ИИБ бошлиғи сўзини давом эттириб. — Йўқотиш бўлганда ҳам, халқ ишончини, ҳурматини йўқотиш-ки, зарарини тасаввур этиб ҳам бўлмайди. Ана шу камчиликларни бартараф этиш учун шаҳарни олти зонага бўлмоқчимиз. Ҳар бир зонада участка вакилларида ташқари ЖК, БЕИН, ИЖК, ДАНБ ва ППХ ходимлари бўлишади. Бу зоналарда хизматни ташкил этиш менга ва ўринбосарларимга юкланади. Иш якунлари ҳар ойда бир марта оператив кенгашда кўриб чиқилади ва ҳолис баҳо берилади.

Ю. МАЛИКОВ.

Бемаҳалда юрганнинг ҳосияти йўқ, дейишади. Шу боисданми, деярли ҳаммамиз ҳам ҳар қандай юмушни кундузи бажаришга, қош қорайгач эса, оила аъзоларимиз даврасида яйраб ўтиришга одатланганмиз. Бизнинг ана шу одамимиз қаллобликни касб қилиб олган, бировнинг азобланишидан ҳузур-ҳаловат оладиган шахсларга гоят қўл келади. Бемаалол ўғрилиқ қилишлари ёки баъзан учраб қоладиган фуқароларни калтаклаб бўлсада, борини шилиб олишлари мумкин. Ҳеч ним ундай қилма, демайди. Кундуз кунни бировнинг ёнини олишга ёки милицияда гувоҳлик беришга ботинмаган одамлар кечаси аралашармиди бунақа ишларга.

— Кейинги пайтларда машина ўғирлари ёки фуқароларга қароқчиларча ҳужум қилиш ҳоллари кучайиб кетди, — деди Олмалиқ шаҳар ички ишлар бўлими бошлиғи милиция майори Мираъзам Мирзаев маслаҳат кенгашида. — Бундай қоидабузарликлар асосан тун палласида амалга ошириляпти. Хўш, нима қиламиз, кимда қандай таклифлар бор?

Таклифлар кўп бўлди: биров гаражлар биқинига пистирма қўйиш керак деса, бошқаси автотранспорт ҳайдовчиларидан қоровуллик ташкил этиш лозим деди. Яна кимдир гаражларни қўриқлаш бўлимига топшириш мумкинлиги ҳақида фикр билдирди. Бу таклифларда ҳам жон бор, қилса бўлади, аммо барибир нимадир етишмаётгандек тую-

тин-ўқтин кўз ташлаб оларди. Бунинг сабаби кейинроқ маълум бўлди. «Наган» типидagi қўлбола тўппонча ва 36 донга ўқ топилади. У ИИБга олиб бориб топширилгач, П 44-49 ТШ рақамли «Жигули» қўлга олинди. Ҳайдовчи В. Ли фақат маст ҳолда рулга ўтирган бўлганида, ахтимол бошқача иш тутилар, ҳатто уйига кузатиб қўйган бўлишарди. Аммо машинадан қирқма ов милтиғи топилагач, бундай ғамхўрликка ҳожат қолмади.

20 январга ўтар кечаси ҳам тунги гуруҳ аъзолари



Олмалиқ шаҳридаги милиционерларни қайта тайёрлаш курсининг фаолият кўрсата бошлаганига 20 йилдан ошди. Мақтабда бу давр ичида ўн мингдан ортиқ ички ишлар ходимлари ўз малакаларини ошириб, билимларини мустаҳкамлашди.

СУРАТЛАРДА: турли вилоятлардан келган милиция ходимлари ҳар бир машғулота фаол қатнашишмоқда; ўқитувчи милиция катта лейтенанти С. Попов тинг-

ловчилар билан амалий машғулот ўтказмоқда; мактабда жисмоний машғулотларга ҳам алоҳида эътибор берилмоқда. Ўқитувчи милиция лейтенанти О. Пак навбатдаги машғулот пайтида;

бу ерда навбатчилик малакасини пухта эгаллашга ҳам алоҳида аҳамият берилмоқда. Милиция сержанти М. Исоқов навбатчилик постида.

Пардабой ЭРГАШЕВ олган суратлар.

ОЗ ФУРСАТ ИЧИДА

26 февраль кунини кечга яқин 25-30 ёшлар чамасидаги эркак кишининг жасади топилиди. Шаҳар ИИБ бошлиғи раҳбарлигидаги оператив гуруҳ воқеа жойига етиб келиб, жасадин кўздан кечи-ра бошлашди. У эски кўл ўрнида ётар, оёқлари сим билан боғланган, танасида ўткир нарсаси билан етказилган жароҳат излари бор эди. Мурдани кўздан кечириб чиққан суд-тиббий кўриги ходимлари уни бундан 30 кунлар бундан 30 кунлар бундан 30 кунлар аниқлашди.

Жасадининг шахсини аниқлаш энг асосий вазифалиги сабабли ҳам расми кўпайтирилиб, барча милиционерларга тарқатилди. ИИБларга хабарномалар жўнатилди. Кўрилган тадбирлар натижасида фуқаролар ёрдами билан мурданинг шахси аниқланди. Бу ёни энди унча оғир эмасди. Тез кунда жиноятчилар топилиб, кирдикорлари фош этилади.

А. ҲАМИДОВ, Олмалиқ шаҳар ИИБ ЖҚБ бошлиғи милиция майори.

ҲИБСГА ОЛИНДИ

Ўтган йил 14 декабрь кунини соат учда Олмалиқсой кўчасида турган П 88-56 ТШ рақамли «Москвич» машинасининг орқа ўриндиғида мурда ётганлиги аниқланди. У шу машина ҳайдовчиси, 1934 йилда туғилган олмалиқлик Жўракул Аликулов экан.

Шу йил 11 январь кунини яна бир ноҳуш воқеа содир этилди. Карл Маркс кўчасида жойлашган «Весна» ресторанида 1950 йилда туғилган Тўхтабой Ҳайдаров пичоқлаб қўйилди. Жабрланувчи шошилинч равишда шифохонага олиб келинди, аммо кеч бўлган экан.

Олмалиқ шаҳар прокуратураси ҳар икки воқеа бўйича жиноий иш қўзғади. Ички ишлар бўлими ходимлари билан ҳамкорликда оперативтергов гуруҳи тузилди. Ана шу гуруҳга уюшган ходимлар тажрибаси ва маҳорати туфайли ҳар икки қотиликни содир этишда гумонланган тўрт нафар шахс ҳибсга олинди. Дастлабки суриштирув жараёнидаёқ улар айбларига иқдор бўлишди.

Ш. ЮСУПОВ.

корликда яна шубҳали шахслар билан суҳбатлашилди ва 15 банка кўк рангли бўёқ ҳамда В. Адаменко деганидан қўшогиз қирқма милтиқ тортиб олинди.

27 январга ўтар кечаси ҳам осойишталик бўлмади, ҳисоб. Энгелс кўчасида қоп орқалаган икки кишини текшириб кўришга тўғри келди. Аммо тунги йўловчилар: «Тўхтаган!» — деган буйруқни эшитишлари биланоқ қопни ташлаб қочишга тутиндилар. Аммо бузоқнинг югургани сомонхонагача, дейдилар. Игитларимиз бир зумда етиб олишди. Бунинг қарангки, улар ташлаб қочмоқчи бўлган қопларда 40 килограмм сариғ ва 33 банка мол гўшти бор экан.

Умуман айтганда, тунги гуруҳнинг вақти бекор ўтмапти. Энг муҳими шаҳарда милиция борлигини, у жиноятчиликнинг ҳар қандай кўринишига қарши мurosасизлик билан курашаётганини халқ ҳис қилапти.

М. ЮНУСОВ, Олмалиқ шаҳар ИИБ бошлиғи ўринбосари милиция подполковниги.

Тунги гуруҳ ҳаракатда

тин-ўқтин кўз ташлаб оларди. Бунинг сабаби кейинроқ маълум бўлди. «Наган» типидagi қўлбола тўппонча ва 36 донга ўқ топилади.

У ИИБга олиб бориб топширилгач, П 44-49 ТШ рақамли «Жигули» қўлга олинди. Ҳайдовчи В. Ли фақат маст ҳолда рулга ўтирган бўлганида, ахтимол бошқача иш тутилар, ҳатто уйига кузатиб қўйган бўлишарди. Аммо машинадан қирқма ов милтиғи топилагач, бундай ғамхўрликка ҳожат қолмади.

20 январга ўтар кечаси ҳам тунги гуруҳ аъзолари

бўйича тергов ҳаракатлари олиб борилмоқда.

Эртаси кунини эса Чапқир-гоқ кўчасида рақамсиз «ВАЗ-2103» белгили автомашинада алп қоматли беш нафар йигит билан мулоқотда бўлишга тўғри келди. Улар милиция ходимлари саволларига менсимай ва ёқтирмай жавоб қилишарди. Афтидан ўз кучларига ҳаддан зиёд баҳо бергандилар. Аммо бақувватликда ва эпчилликда улардан қолишмайдиган йигитларимиз калондимоғларни ИИБга келтирдилар. ЖҚБ ходими билан ҳам-

ВОҶЕА

Шокир Сўфиқшилоқда 1969 йилда туғилган. Хизматни тамомлаб келгач, Ургут шаҳридаги «Ўрувчи» ширкатида ишлаб юрганди. Раҳима (исмлар ўзгаририлган) эса 1980 йилда туғилган, шу қишлоқдаги мактаблардан бирида 3-синфда ўқиётганди. Бу иккаласининг, бир қарашда, бир-бирига алоқадорлик жойи, уларни бир-бирига боғлаб турган нарсаси йўқдек. Аслида ҳам шундай, фақат таниш бўлишган, холос. Йигит шум бир ниятни кўнглига тугиб, Раҳимани «Сени Тошкентга олиб бориб, Раҳимани кўрсатиб келаман», — деб авради. 7 октябрь куни эрталаб шаҳарда яшовчи орасиникига келиб, ундан ўзи йигит, топириб қўйган пулини олиб, колхоз бозори томонга жўнади. Бунгача у қизча билан бозор дарвозаси олдида учрашганига келишиб қўйган эди.

Ишлар бир текис, силиқ кетаверди. Раҳимани олиб, такси кира қилиб «Самарқанд» бекатига келди. У ердан автобуса миниб, Тошкент шаҳрига жўнашди. Пойтахтга келгач, қизни тергов давомида аниқланмаган шахсининг уйига қўйиб, ўзи Ургутга қайтди. Бу ердан қийим-кечаклар, у-бу зарур нарсаларни олиб, бир йўла вазиятни ҳам билиб (ҳозирча тинчлик эди), орқасига қайтди.

— Опанг бу ердан кетиб қолган экан, орқасидан борамиз, — деди қизга. Улар поездга ўтириб Москвага, у ердан эса Пензага жўнашди. Шокир олдин хизмат қилиб кетган заводга келишди. Йигит бу ердагиларнинг ҳам бошлаб «қулоғига тегиш»:

— Ота-онам вафот қилибдилар, ёлғиз синглим қолган экан, олиб келдим. Унга лақаби ишонини. Ишонмай ҳам бўларканми, давонгирдек йигит ҳали 3-синфда ўқиётган 10 ёшли қизчани етаклаб келиб, «синглим» деб тургач... Бу ерда ҳар қандай шубҳа асоссиз-да, холос ниятли одам учун. Кейинчалик терговчи бориб суриштирув ишларини бошлаб юборганда, уларнинг эҳсонаси чиқиб кетаёзди. Бу кейинчалик юз берди, ҳозирчалик эса уларга темир-бетон заводига қарашли вагончадан жой берилди. Ўша оқшом... қизнинг фаҳм-фаросати бу нарсаларга етмасди, оқиз эди у, бунинг устига ухлаб ётарди, ширингина бўлиб... Ўшандан кейин бу иш ўнг келган жойда мунтазам такрорланиб келди.

Иккаласи бир муддат шаҳардаги «Сура» меҳмонхонасида ётиб юришди, йигит иш излаётган эди. Аксига олиб бу ердан тополмади. Кейин шу вилоятнинг Башмакова туманига бориб, нон комбинатига жойлашди. Шу ердаги ишчиларнинг кўмаги билан бир уй топиб яшай бошлашди. Шокир бу ердагиларга ҳам қизчани «синглим» деб таништирганди.

Олдинга ҳеч ким ҳеч нарсасизмай, булар жинсий ҳаёт билан яшайверди, кейинчалик ишчилар қарашаси, ҳаммомга иккаласи бирга кириб кетишар экан ҳар доим. Қизчани авраб сўраб кўришди, ҳеч нарсаси аниқлашолмагач, пойлоқчилик қила бошлашди (айёқчилик ҳамма ерда бор). Қараша аҳвол бошқача, дарҳол милицияга хабар берилди.

Маҳаллий милиция вакиллари эса жинсий иш қўзғаш ўрнига, зудлик билан вилоятдан чиқиб кетиш талабини қўйишди. Нонлож қолган Шокир 11 декабрь куни ишдан бўшаб, Сўфиқшилоққа қайтиб келди. Қизча ҳам у билан бирга эди.

Бу ерда ҳам улар 20 кунча намаси бирга яшашди. Ота қарасаси, аҳвол чатоқ. Нимадир қилинмаса, бу оқибати яхшиликка олиб келмайдиган иш. Ўйлай-ўйлай ниҳоят қишлоқ Кенгашига мурожаат қилди. У ердагилар эса ўз навбатида милицияга хабар беришди ва шу билан ҳаммаси якун топди. Милиция Раҳимани қарийб тўрт ойдан буён қидираётган эди.

Шокир Ўзбекистон Республикаси ЖМ 94-модда 4-қисми ва Россия ЖМнинг 117-модда 4-қисми билан айбланиб, вилоят суди томонидан 12 йилга озодликдан маҳрум қилинди.

СУХБАТ

Актамон ЖАМОЛОВ,
Ургут туманлараро прокуратураси
терговчиси, 1-тоифадаги ҳуқуқшунос.

— Куч ишлатиб фуқаронинг шахсига, ҳаётига, соғлиғига путур етказиш номусга тегиш ҳисобланади, бу ҳол туманимизда ҳам йилда бир-ича бўлиб туради. Умуман бу нарсани анчагина қадимий, йўқолиб кетиши ҳам дарғумон бўлса керак, деб ўйлайман.

— Мана, юқорида келтириб ўтилган воқеадан йигит 12 йилга қамалиб ке-

тибди, шу адолат чегарасидами?

— Биласиз, ҳамманинг ўз нуқтаи-назари бўлиб, у бошқаларникига мос келиши, аксарият ҳолларда, кўп қийин. Юқоридаги воқеага баҳо беришда ҳам ҳамма ҳар хил ёндашиши мумкин. Бунда унга қимнинг кўзи, нуқтаи назари билан қарашга боғлиқ кўп нарсаси. Хусусан, қизнинг ота-онасини аҳволини тасаввур қила олиб, воқеага улар қарашлари билан баҳо бериладиган бўлса, 12 йил жуда кам муддат. Лекин иккинчи томон ҳам борки, буни жуда оддий нарсаси деб, 12 йилни жуда узоқ муддат деб қабул қилиши мумкин. Биз эса воқеага, у ёки бу томоннинг кўзи билан эмас, қонун нуқтаи назари билан қарашимиз даркор. Ва шу жиҳатдан йигитнинг 12 йил муддатга қамалиши адолатсизлик эмас.

— Мени содир этилган жиноят эмас, унинг моҳияти қизиқтираётган эди. Агар воқеани тўғри тушунаётган, тўғри тасаввур қилаётган бўлсам, Раҳиманинг ўзи ҳеч қачон Шокирнинг устидан шикоят қилиб келмаган бўлар эди, менимча...

— Гапингизда жон бор... олдинга жуда қаттиқ даъво қилаётган эди, кейин йигитни кўргач, юмшади-қолди. Лекин уни ақл, билим ва савияси ҳали у

— Жазо чораларига муносабатингиз қандай?

— Яқинда «Ислом нури» газетида ўқиб қолдим. Қадимда шарият бўйича турмушсиз аёл зино билан шуғулланса 100 дарра урилар, эрли аёл шу ишни қилса тошбўрон қилинар экан. Эраккаларга ҳам худди шу жазолар қўлланилган. Бунинг ўзимизнинг қонунлар билан солиштирадиган бўлсак, ер билан осмонча фарқ бор. Бизнинг қонунларимиз реал воқеликни тўлиқ қамраб ололмайди, бошқа нарсаси ихтисослашган. Шарият қонунларининг адолатлигини шарҳлаб ўтирмасам ҳам бўлар, чуқурроқ мулоҳаза юритган ҳар қандай киши ўзи англаб олаверади буни.

ФИКР

Бугунги, одамлар елкасида улкандан-улкан иқтисодий, сиёсий муаммоларни кўтариб, ҳатта уйда — хотин, бола-чақанинг олдида ҳам қовоғидан қор ёриб, дунё миқёсидаги гапларни қилиб ўтирган пайтда, бунақа майда-чуйда билан шуғулланиб юриш ўнғайсизроқ туюлапти мен учун. Бир қарашда ҳақиқатдан-да майда-чуйда нарсалар... майли

ҚЎЛИНГДАН КЕЛСА...

ЭРКАК ВА АЁЛ МУНОСАБАТЛАРИ...

Агар тўғри тушунган бўлсам, Одам Ато ҳам жаннатдан мана шу муносабат орқа-

сидан қувилган. Ундан кейин биродарқушликнинг бошланишичи! У ҳам шу тўғри-

лидир. Агар тузукроқ разм соладиган бўлсак, аксарият машмаша ва муаммоларнинг

заминида мана шу нарсаси ётган бўлади. Чунки бу айримлар ўйлаганчалик оила-

вий гаплару, севги-муҳаббатдангина иборат эмас. Бу муносабатлар авлоднинг, наслин,

келажакнинг белгилариди. Уларнинг қандай, қанақа бўлиши айнан бугунги аёл ва эр-

как муносабатининг аҳволига боғлиқдир.

Бу хусусда қонунларимиз нима дейди!

даражада эмас эканини ҳам назардан қочирмаслик керак.

— Актамхон ака, жиноят мажмуамиздаги мана шу мавзуга бағишланган моддалар ҳақидаги фикрингиз қандай?

— Шахсан менга бирор кишини 97-модда билан айблаш насиб қилмаган, кўрмаганман ҳам кимнидир у билан жинсий жавобгарликка тортилганини. Яхшилаб эътибор берилса, ундаги мантисизликни ҳам илғаб олиш мумкин бўлади. Аввало виждонли киши ҳар қандай амалдор ёки иши тушган одамнинг тақлифига кўниб кетавериши мумкин эмас. Агарда, шунга мажбур бўлган экан, эртасига шартта ҳуқуқ идораларига ариза кўтариб келишни кутиш беҳуда. Бу қонун кўрқитиш воситаси сифатида хизмат қилиши мумкин баъзи бировлар учун. Ундан ташқари 99-моддани олайлик, умуман шарқ воқелигига, шарқ ҳаётига тўғри келмайди. Бу ҳам ўша тенглаштириш сиёсатидан сўнг келиб чиққан-да. «Қонунни бузиш учун ҳам чиқаришди», деган ҳазил гап юради халқ орасида. Бу модда ҳам худди шунинг учун яратилгандай, қолаверса, унинг амал қилиши фоҳишабозликни кучайтириши мумкин, холос.

— Бундан уч-тўрт йил бурун Итти-фокнинг айрим демократик газеталари РСФСР ЖМдан 121-моддани олиб ташлаш масаласини кўтариб чиққан эди. Сабаб: инсон ҳуқуқи, эркини чекламаслик, бу банднинг умуман ишламаслиги. Адамшарм бу бизни жиноят мажмуамизнинг 100-моддасига тўғри келди (қонунларни ҳаммамиз бир-биримиздан кўчирганимиз-ку). Хўш, унинг биздаги аҳволи қандай?

— Россияда қандай, билмадим-у, лекин бизда ҳеч қачон бу масала кўтарилмаса керак. Тўғри, биздаги шу модда биринчи бандининг ишлаганини ҳеч кўрганми йўқ. Битта-яримта ҳолат бўлиб қолмаса, ишламаса ҳам керак. Лекин иккинчи банди... ўзим бошқа туманда прокурор бўлиб юрган пайтларимда, шунақа бир иш билан шуғулланганман, афсуски охирига етказолмадим. Орқасидан катта машмаша чиқиб, олиб қўйишди. Умуман, бу моддани олиб ташлашса, бесоқолбозлик урчиб кетар, деб ўйлайман.

кимдир кичик муаммоларни ҳам кўтариб туриши керак-ку.

Кейинги 74 йилни ётволиб сўкишни хўпам ўрганиб олдик, худди барча бўлиб ўтган ишларга шулар айбдордек. Аслини олганда йиллар йиллардек эди, биз эса бир нарсани — ҳаммасини ўзимиздан, ўз хусусиятларимиздан излашимиз лозимлигини унутиб қўяётимиз ва катта хато қилмоқдамиз. Агар вазият шу таразда давом этиб кетадиган бўлса, яна 74 йил давомида бирор нарсанинг ўзгариши дарғумон. Фалсафанинг оддийгина бир қонунни бор: сабаб тушунилиб етилмас экан, оқибат билан курашиш беҳуда. Худди шу нарсани қанчалик тез англасак, шунчалик яхши.

Ҳар қандай истилочи халқ мустамлака ҳудудга авваламбор ўзининг тартиб ва қонун-қоидаларини олиб келади. Ва бу олиб келган нарсаларини ягона мутлақ маданият, ривожланиш деб қарайди. Мустамлакачилар бизга ўзлари «маданият» деб олиб келгани нима эди? У бизга қандай таъсир қилди?

Инқилобдан кейинги йилларда халқни колхозлаштиришга ва айни пайтда большевикларга қарши кўтарган асосий нарсаси хотинларнинг ўртада-ю, кўрпанинг умумий бўлиши ҳақидаги асоссиз миш-мишлар эди. Бу халқ шундай номуслики, уни телиб ўтсанг, сўкиб ўтсанг индамаслиги мумкин, лекин гап номусга бориб тақалар экан, ҳеч қачон чидаб турулмаган. Худди шундай насл масаласида жуда қаттиқ турган бу халқ. Аммо боя таъкидлаб ўтилгандек, амал-парастлар ҳам анча-мунча эди. Биринчи большевикларга сотилди, бошқаси яна биттасига қарши чиқди ва бу кураш барбод бўлди. Бугунга келиб эса қалбларнинг туб-тубидагина қолди номус деган туйғу. Чунки бугун уни ошкор қилиб яшаб бўлмайди, бугун унинг амри билан бир қадам қўйсанг жиноятчига айланасан, қоласан.

Яширин сўровларга қараганда Санкт-Петербург шаҳрида 70 фоиз ўқувчилар жинсий ҳаёт билан яшашар экан. Бизда эса бунақа нарсалар билан қизиқадиган бирор бир ташкилот йўқ. Бу ҳақда лом-мим деб оғиз очилмайди. Уят

бўлади. Ўйлашадими, бизда йигитлар уйланишадими... қизлар турмушга чиқади... Унгача бўшлиқ. Аслида эса унчалик ҳам сокинлик эмас экан унгача. Яна ўша рақамларга эътиборни қаратадиган бўлсак, бўз болаларнинг 90 дан ортиқроғи онанизм билан, қизларнинг 50 фоизга яқини мастурбация билан шуғулланар экан. Булар шунчаки йўл-йўлакай айтиладиган, қонунга алоқаси йўқ гаплардай туюлиши мумкин. Аслида эса... бунақа нарсаларнинг маълумотлари йиғилмайди, лекин ишончим комилки, майда ўғрилиқ, талончилик, номусга тегиш каби жиноятларнинг аксариятини ҳали уйланмаган йигитлар содир этишади. Бунинг тиббий томонини табиблар, руҳий томонини руҳшунослар шарҳлашар, ўрганишар, лекин ҳақиқатдан кўз юммаслик керак.

Табий эҳтиёжни ҳеч қанақа қонун билан чеклаб бўлмайди. Айни чоғда бизда 16 ёшга тўлмаганлар билан жинсий алоқада бўлиш таъқиқланган. Ниҳоят ёшга етмаганларни турмушга уза-тиш ҳам жиноят ҳисобланади. Бундай олиб қараганда, гиж-гиж мантқиқдангина иборат бу нарсалар. Чуқурроқ мулоҳаза қилиб кўрилса-чи? Хўш, бу икки ҳолатнинг ўртасидаги бир йил нима учун берилади? Тўғри, ҳозирги қон-қонимизга сингиб кетган дунёқарашимиз, тафаккуримиз бўйича, саволнинг бундай қўйилиши, ҳатто аҳмоқона туюлиши ҳам мумкин. Биз эса бунга боболарнинг кўзи билан қараб кўрайлик. Ўртадаги муддатда хоҳлаганингни қилиб юравер, қонуннинг сен билан иши йўқ демоқчимиз? Балки мен нотўғри тушунаётгандирман?... Бундан чиқариладиган хулоса шуки, 16 ёшдан сўнг жинсий ҳаёт билан яшайвериши мумкин қизларимиз. Буларга бировнинг «ғиқ» дейишга ҳаққи йўқ, лекин 17 ёшгача турмушга чиқмайди. Чиққудек бўлса, ота-онаси қамалади.

Ҳеч қачон бизда турмуш қуришнинг чекланган ёши бўлганини эшитмаганман. Билганим шуки, қизларга 9, ўғил болаларга 11 ёшдан сўнг бошқача тарбия бера бошлаган. Бундан ташқари ўғил болани уйлантириш вақти келганини бир қанча тиббий ва бир қарашда оддийгина бўлган белгилардан билишганки, ҳозир улар ҳақида ёзиб ўтиришнинг мавриди эмас. Фақат ёшгагина қараб белгиланиш эса жуда номақбул услуб бўлиб, тиббий жараёнлар ҳаммада ҳам бир хил кечавермаслиги барчага аён.

Кўп нарсаларнинг илдизини мана шу турмуш қуришдаги ёшнинг чекланишларидан қидиришга тўғри келади.

Хусусан фоҳишабозликнинг томири ҳам шунга бориб тақалади. Юқорида таъкидлаб ўтилди, эҳтиёжни таъқиқлаб бўлмайди. У қондирилади. Қайси йўл билан бўлса ҳам. Қўнғилда бўлмаса ҳеч қарерга бормайди, деган эътирознинг тугилиши табий. Жавоб шуки, қўнғил ҳам табий сўровдан кейин уйғона боради. Ва эҳтиёжни қондириш деганда ҳозир тушунаётганимиз моддийликки-на назарда тутилаётгани йўқ, балки маънавий томон ҳам айтилмоқда. Фоҳишаларнинг таржимаи ҳоли билан танишадиган бўлсангиз, аксарияти ўз «фаолиятини» 14-15 ёшдан бошлаб юборганлигига қўнғилга тушади. Юқорида эслатиб ўтилган 70 фоиз хусусида нима дейиш мумкин? Уларнинг кўпчилиги «профессионал» бўлади-да. Юқоридаги манбаадан олинган маълумотларга қараганда, аёлларнинг учдан бир, эраккаларнинг учдан икки қисми ўз жуфтларига содиқ эмас. Булар ҳаммаси ўша чекланишдан чиқиб келадиган нарсалар. Ўз вақтида турмушга чиққан аёллар камдан-кам ҳоллардагина бу йўлга кириб кетишади.

Ойларнинг бузилиб кетишини ҳам бир учи шунга бориб тақалади. Ўз вақтида турмуш қурмай кўпни кўриб қўйган эр ёки хотин кейинчалик жуфти ҳалолни кимлар биландир таққослай бошлади, ишнинг расво бўлгани шу.

Хуллас, тақлиф: жиноят мажмуасидан турмуш қуришдаги ёшнинг чекланишини олиб ташлаш керак. Кўпчиликка эриш туюлиши мумкин бу дастлаб, лекин озроқ вақт ўтмай, ҳеч қандай гайритабиийлик қолмайди.

Қишлоқларга бориб, ҳассаларини дўқиллатиб юрган момолардан сўраб кўрингчи, неча ёшида турмуш қуришган экан?

Улар 16 дан юқорини айтишмайди.

Еш оила қуриш биз ўйлаганчалик фожиаси эмас, ҳар ҳолда мен шундай фикрдаман.

Исмомил ШОМУРОДОВ,
(Давоми бор).

ТАНТАНАЛАР ДАВОМ ЭТАДИ



Х. ШОДИЕВ ва С. БОБОЕВ олган суратлар.

СЎЗ КЕТИДАН СЎЗ КЕЛУР

«МИЛИЦИОНЕР ҲАМ ОДАМ»

Наҳотки, биз аёлларни ҳам дардини тушунадиган, юрагига қулоқ тутадиган Халоскор бор бўлса? Менинг ҳам турмуш ўртоғим Олтинсой тумани ИИБ да хизмат қилади. Саккиз йил бўлди. Ешлари 31 да. Шу ишга азбаройи ихлоси зўрлигидан 6 йил вилоят марказига қатнаб ишлади, орадаги масофа «бор-йўғи» 200 километр. Ишини туманга ўтказганларига ҳам икки йилдан ошди, лекин бизнинг турмуш шароитимиз ёмонлашса-ёмонлашдики, яхшилангани йўқ. Олган маошларини унисидан-бунисигача зўра эплаймиз. Олти нафар фарзандимиз бор. Шулардан тўрт нафари ўғил. Эл олдида дастурхон ёзиб тўй қилгимиз келади. Қайда дейсиз? Яхшилаб милиционерларнинг аёлларида суриштирилса, эрлари билан бирор марта тўйга боролганлигини айта олмайди. Кино-театрларгаку йўл бўлсин. Бу уларнинг иш вақтини тайинли эмаслигидан. Хўжа-йинимнинг жонини жабборга бериб ишлаб ортиргани: «Милиция аълочиси» деган нишони. Термизга қатнаб ишлаганда, соғлигини тамом йўқотиб бўлган экан. Шунча жойга бориб ишлаш ҳар қандай кишининг қўлидан келавермас керак. Ҳозир ҳам ўзимизнинг машинамиз бўлмагани учун кечалари 10-15 километр масофани пийда босиб, бемаҳалда уйга кириб келади. Яна эр талаб ишга бориши керак.

Қани энди мустақил жумҳуриятимиз раҳбарлари тинчлигимиз посбонларидан ўз ҳимматларини дариг тутмасалар. Милиционерлар шундай техника асарида ҳеч қурса пулларига бўлса ҳам, машина ёки мотоцикл билан таъмин-

лансалар. Улар ҳам уйларига эртароқ қайтиб, йўлларига кўз тикиб ўтирган болаларининг дийдорига тўйишармиди, тарбиясидан хабардор бўлишармиди, биз учун доимий армон — дастурхон атрофида оиланинг бус-бутун бўлиши ҳақиқатга айланармиди? Дипломим бўла туриб ишлаёлмайман, чунки рўзгорнинг ҳамма масъулияти менинг — аёл кишининг зиммасида. Болалар касал бўлганда ҳам, соғлигида ҳам отасини камдан-кам кўришади. Улар ота тарбиясидан йироқда ўсишяпти. Хуллас, сизлардан илтимос юрт тинчлиги, одамлар тинчлигини сақлаш учун соғлигидан ажралиб, керак бўлса жонини аямай ишлаётган милиция ходимларига ёрдам берсаларингиз. Оиласидан кўнгиллари тинч, хотиржам, асаблари жойида бўлган кишининг иши ҳам яхшироқ бўлади. Агар милиционерларга ёрдам кўрсатилса, кундан-кунга, соатдан-соатга ўсиб бораётган жиноятчиликнинг олди олиниши шак-шубҳасиздир.

ХОСИЯТ.

Рўзноманинг 1992 йил 27 февраль кунини 24-сонда «Милиционер ҳам одам» сарлавҳаси остида босилган мақола ИИБнинг раҳбарлари кенгаши ва шахсий таркиб ўртасида кенг муҳокама қилиб чиқилди.

Ички ишлар бўлими ходимлари яшаш жойларидаги савдо шохбачаларига бириктилганига қарамадан ўтган йил мобайнида шахсий таркибга раҳбарият кенгаши қарорига асосан ёрдам тариқасида 6 тонна картошка, 3 тонна пийез, 1 тонна гуруч, 2 тонна ун,

пахта ёғи ва гўшт олиб келиб тарқатилди.

Ходимларимиз 141 марта пул жукофотлари билан тақдирландилар. 90 ходимга моддий ёрдам кўрсатилди. Булар ҳозирги тақчиллик шаронтида ҳеч нарсасиз эмас, албатта. Ички ишлар бўлими шахсий таркиб ўртасидаги мавжуд хизмат ва ижтимоий масалалардан ечимини кутаётган муаммоларни янада чуқурроқ ўрганиб чиқиш ва уларни ўз вақтида ҳал қилиш мақсадида раҳбарият кенгаши қарорига асосан ИИБ да «Таклифлар ва талаблар» дафтари юритилган. Лекин иқтисодий тақчиллик ИИБ шахсий таркиб ўртасида ижтимоий масалаларни ва муаммоларни ўз вақтида ҳал қилиш борасидаги ишларни янада тезкорлик билан амалга оширишга салбий таъсирини кўрсатмоқда.

Хат муаллифи Мукаррамхон Нурматова билан учрашиб, суҳбат ўтказилди. Унинг турмуш ўртоғи — милиция капитани Турсунмурод Нурматов 1982 йилдан ИИБда участка инспектори лавозимида ишлаган. Ўз хизмат бурчига содиқлиги, талабчанлиги, меҳнатсеварлиги ҳисобга олиниб, 1990 йилда жамоат тартибини сақлаш катта инспектори лавозимига тайинланган ва ҳозирда ҳам шу жойда ишлаб турибди. Мукаррамхонга Турсунмуроднинг иши ҳақиқатдан оғирлиги тушутирилди. Раҳбарлиги остида 24 нафар милиция ходимлари иш юритиши, уларни назорат қилиш, ишнинг такомиллаштириш унинг зиммасига юклатилганлиги, хизмат вақти белгиланмаганлиги айтиб ўтилди.

Барча милиция ходимларининг турмуш ўртоқларига сабр-бардош берсин!

Г. ТУРСУНОВ,

Тошлоқ тумани ички ишлар бўлими шахсий таркиб бўйича бошлиқ ўринбосари милиция капитани.

КИМГА САБОҚ, КИМГА...

Бу воқеа шу йил 14 январь кунини Қўшкечик қишлоғида рўй берди. Дори-хона хизматчиси Кенжабой Собиров яп-янги «Десна» белгили велосипедини кўчада қолдирган, ўзи эса кундалик юмушлари билан банд эди. Ишга шу даражада берилиб кетганидан велосипедини кимдир миниб қочганлигини пайқамади ҳам.

Хайриятки, алоқа бўлими хизматчилари Рустамжон Умрзоқов ва Раимжон Шералиевлар бу ҳолни ичкаридан ойна орқали кузатиб туришган экан. Югуриб чиқиб, учарнинг йўлини тўсишди.

Яқинда туманимиз халқ суди бировнинг буюмига ишқи тушиб қолган марғилонлик Ғанижон Азимовни айбдор, деб топди ва минг сўм жарима солди. Бу воқеа Кенжабой акагаку сабоқ бўлди, энди у велосипеди тугул нинасини ҳам қаровсиз қолдирмайди. Аммо 25 ёшли Ғанижон тўғри хулоса чиқара олармикан?

Раҳимжон РАҲИМОВ,
Қува тумани.

ТАКЛИФДА ЖОН БОР

Мен рўзноманинг 11 февраль сониде босилган «Оддий милиционерликдан бошласин» мақоласини ўқиб хурсанд бўлдим. Бонси, унда тўғри таклиф киритилган. Чунки одамлар билан бевосита ишлабгина бу касбнинг нақадар машаққатли эканлигини англайди киши. Беш йил оддий милиционер бўлиб ишлаган раҳбар ходимларининг ҳам, одамларнинг ҳам қадрини билди.

Мен 1979 йилдан 1989 йилга қадар пост-патрул хизматида хизмат қилганман. Ҳозир милиционер-ҳайдовчиман.

Д. АҲМЕДОВ,
милиция старшинаси.

ҚИДИРИЛМОҚДА

Бағдод тумани ИИБ томонидан 1988 йилда Фарғона туманидаги Чимён қишлоғида туғилган, Фарғона шаҳрида яшовчи Санджаб-бор Мадиев қидирилмоқда. У 1991 йил 14 август кунини Бағдод туманидаги асаб касалликлари интернатидан берухсат чиқиб кетганича қайтмаган. Рухий касал.

БЕЛГИЛАРИ: бўйи — 165-170 сантиметр, гавдаси ўртача, юзи чўзиқроқ, сочлари, кўзи, қоши қора. Этнида кўк рангли натак кўйлак, қора шим, оёғида сариқ туфли бўлган.

С. Мадиевни кўрганлардан Бағдод тумани ИИБга 92-2-62, 91-8-76, 91-8-94 ёки 02 рақамли телефон орқали мурожаат қилишларини сўраймиз.

Муҳаррир
Зокір ОТАЕВ.

Телефонлар: муҳаррир — 54-37-91, муҳаррир ўринбосари — 39-77-23, муҳбирлар бўлими — 59-26-56, 59-20-92, умумий бўлим — 59-21-21.

МАНЗИЛГОҲИМИЗ: 700029,
Тошкент, Лопатин кўчаси, 1.

Обуна рақами — 64615.

Ўзбекистон Жумҳурияти «Шарқ»
нашриёт-матбаачилик концерни
босмахонаси. 700083, Тошкент,
Ленинград кўчаси, 32.

* Кўчириб босишда «Постда»дан эканлигини кўрсатиш шарт. * Мақолада келтирилган рақамлар, фантлар ва бошқа маълумотлар учун, шунингдек, очиқ эълон қилиниши мумкин бўлмаган маълумотлар учун муаллиф жавобгар ҳисобланади. * Муаллифнинг мулоҳазаси тахририят фикрига мос тушмаслиги мумкин. * Қўлёзмалар таҳлил қилинмайди ва қайтарилмайди.